

# 5 Waiōtapu



## WHAKAPUTAHIA Ō WHAKAARO MŌ NGĀ TERE HAUMARU AKE

Ngā whakawhitiwhiti kōrero 30 o Mahuru - 25 o Whiringa-ā-nuku 2019

I rongō mātau i ngā kōrero mai i te hapori kāore i te haumarū te tere i Waiōtapu i te Huanui Matua 5 (SH5), nō reira e marohi ana mātau kia whakahekea te tepenga tere 100km/h ki te 80km/h.

Kei te whakarite anō mātau kia haumarū ake a SH5 i waenga i a Wairākei me SH38 me ngā whakapaitanga pērā i ngā ārai haumarū taha rori, ngā rārangi waenga whānui ake me ngā pukupuku rori pāorooro. Kua mārō te haere o ngā mahi ki te wāhanga taha raki o te ara ki Waiōtapu. Ko te tepenga tere tika, me ētahi atu o ēnei whakapaitanga i Waiōtapu ka haumarū ake mō te katoa.

I mua i te whakatau i ngā huringa ki te tepenga tere, kei te hiahia mātau i ō whakaaro.

[nzta.govt.nz](http://nzta.govt.nz)

## NGĀ MEA E MŌHIO ANA MĀTAU

He maha ngā pakihi me ngā pūtahitanga e ahu atu ana ki ngā ūnga tāpoi i Waiōtapu. Ka pōturi haere ngā waka ki te huri atu ki ēnei wāhi, ā, ko ngā waka kei te hipa he 100kmh tonu te tere o te haere, he raruraru tēnei. He tino iti te wāhi huri mō ngā waka, ā, nā te āhua o te rori he uaua mō ngā kaitaraiwa te kite he aha kei mua atu. Mā te whakaheke i te tere tētahi tikanga māmā kia haumaruru ake tēnei wāhi mō te katoa.

I kī mai te hapori kei te māharahara rātau mō te tere i Waiōtapu, kua oti i a mātau tētahi aromatawai me te whiriwhiri mēnā ko te 80km/h te tere tika mō te takiwā. Ka āwhina ngā ārai haumaruru taha rori hou e whakatūria ana ki te ārai i ngā tukinga i te taha o te rori, ā, ko te 80km/h he hāngai ki te tere haumaruru, tika hoki mō ētahi atu nōhanga i SH5 pērā i a Golden Springs.

## NGĀ MEA E MAROHITIA ANA E MĀTAU

Kei te marohi mātau i tētahi tepe tere hou o te 80km/h mai i te 551m i te whakarua o Waikite Valley Road atu ki te 369m i te puāwanga o Waiōtapu Loop Road, he 977m te tawhiti mā te nōhanga o Waiōtapu.



## NGĀ TUKINGA I WAIŌTAPU

I waenga i te 2009 me te 2018 e 20 ngā tukinga i Waiōtapu, ā, e rima ngā tātanga i whara kinotia. Kāore he tino pānga o te heke o te tere mai i te 100 km/h ki te 80km/h i tēnei tawhiti ki ngā wā haerenga, ā, ka tino piki ake te haumaruru mō te katoa.

### WHAKAPUTAHIA Ō WHAKAARO

I mua i tā mātau tuku whakatau kei te hiahia mātau ki te mōhio ki ō whakaaro.

E herea ana ki te whakawhitiwhiti kōrero mō te tere hou e marohitia ana i raro i te Ture Ikiiki Whenua: Te Whakatau Tepenga Tere (2017).

### KEI TE HIAHIA WHAKAMĀRAMATANGA ATU ANŌ?

☎ 0800 44 44 49

📧 bayofplenty.speed.reviews@nzta.govt.nz





Ahakoia te take i tukia ai te waka, mā te tere o te haere e tohu ai ka hīkoi atu te tangata, ka kawea atu rānei.


Ki te whakahekea te tere ka heke anō te wā e hē ai koe – tōu, tō tētahi atu rānei.

**TAUĀKĪ TŪMATAITI**

E kohia ana ngā mōhiohio kua tonoa i roto i ēnei whakawhitiwhiti kōrero/rangahau e Waka Kotahi mō te kaupapa o te rapu urupare mō ngā huringa e marohitia ana ki te tepenga tere e marohitia ana mā Waiōtapu i SH5, e ai ki te Ture Ikiiki Whenua: Te Whakatau Tepenga Tere 2017. E whakahaerehia ana te rangahau e Crestani Communications Limited (Crestani), mō Waka Kotahi. Ko ngā mōhiohio ka tukuna e koe i roto i tēnei tukanga ka rokirokitia, ka tukatukahia hoki mā Waka Kotahi e Creastaini (ka whakamahia e ia ngā mōhiohio mō ngā kaupapa tātari me te tuku pūrongo), e ai ki te Ture Matatapu 1993. Kia mōhio mai, ko ngā urupare ka tukuna mai e koe he mōhiohio tūmatanui, ā, ka whakaatuna pea koe e Waka Kotahi ki te whakaputaina e ia ō urupare ki tētahi rōpū kē mēnā ka tonoa i raro i te Ture Mōhiohio Ōkawa 1982. Me āta tohu mēnā me noho tapu ā-ōhanga ō urupare, mō tētahi atu take rānei kia kua e whakaatuna ō urupare, kia kua hoki/rānei koe e whakaatuna hei kaituku. Engari kāore e wātea tūmatanuitia ētahi atu mōhiohio whaiaro ka tukuna e koe. I raro i te Ture Matatapu 1993 kei a koe te motika ki te uru atu me te whakatika i ngā mōhiohio whaiaro ka tukuna e koe i roto i tēnei tukanga. Mēnā koinei tō hiahia, me īmēra ki [bayofplenty.speed.reviews@nzta.govt.nz](mailto:bayofplenty.speed.reviews@nzta.govt.nz)

PŌKAI I KONEI

FreePost Authority 65090



Waka Kotahi (NZ Transport Agency)  
 Tari ā-Motu (National Office)  
 Private Bag 6995  
 Wellington 6141  
 Ki a: PUKA WHAKAWHITIWHITI KŌRERO MŌ TE AROTAKI I TE TERE O WAIŌTAPU SH5  
 (Attention: SH5 WAIOTAPU SPEED REVIEW CONSULTATION FORM)